

左
氏
條
貫

左氏條貫卷二

長洲曹

基德培編次

門人張

兼念凌
典懷鞠 叅訂

魯

隱公 元年春王周正月不書即位攝也隱之始年周王之正月也 初惠公元妃

魯隱公
元年春王正
月

孟子卒繼室聲子生隱公宋武公生仲子生而有文在手曰魯夫人故仲子歸于我生桓公而惠公薨時桓尚少隱以禎祥之故立為太子將讓國于桓故假攝君事也

公羊子曰元年者何君之始年也春者何歲之始也王者孰謂謂文王也曷為先言王而後言正月王正月也何言乎王正月大一統也公何以不言即位成

公意也。何成乎公之意。公將平國而反之。桓曷爲反之。桓幼而貴。隱長而卑。其爲尊卑也微。國人莫知。隱長又賢。諸大夫扳隱而立之。隱于是焉而辭立。則未知桓之將必得立也。且如桓立。則恐諸大夫之不能相幼君也。故凡隱之立爲桓立也。隱長又賢。何以不宜立。立適以長不以賢。立子以貴不以長。桓何以貴。母貴也。母貴則子何以貴。子以母貴。母以子貴。穀梁子曰。雖無事。必舉正月。謹始也。公何以不言卽位。成公志也。焉成之言。君之不取爲公也。君之不取。

爲公何也。將以讓桓也。讓桓正乎。曰。不正。春秋成人之美。不成人之惡。隱不正而成之何也。將以惡桓也。其惡桓何也。隱將讓而桓弑之。則桓惡矣。桓弑而隱讓。則隱善矣。善則其不正焉何也。春秋貴義而不貴惠。信道而不信邪。孝子揚父之美。不揚父之惡。先君之欲與桓。非正也。邪也。雖然。旣勝其邪心。以與隱矣。已探先君之邪志。而遂以與桓。則是成父之惡也。兄弟天倫也。爲子受之父。爲諸侯受之君。已廢天倫而忘君父。以行小惠。曰。小道也。若隱者可謂輕千乘之

國。蹈。道。則。未。也。

秋七月，天王使宰咺來歸惠公仲子之賵。緩且子氏未

薨，故名。惠公葬在春秋前，故曰緩。天子七月而葬，同軌

之。內。畢。至。諸。侯。五。月。同。盟。方獄之中。至大夫三月，同位。至士

踰月。外。姻。至。贈。死。不。及。尸。弔。生。不。及。哀。豫。凶。事。非。禮。也。

仲子在而來，則故曰豫凶事。冬十月庚申，改葬惠公。公弗臨，故不

書。惠公之薨也，有宋師。太子少葬，故有闕。是以改葬。

十二月，眾父卒。公予益，師字。公不與小斂，故不書日。

公羊子曰：何以不日？遠也。所見異辭，所聞異辭，所傳

五年春公矢
魚于棠

聞異辭

隱公三年夏君氏卒聲子也不赴于諸侯不反哭于寢不祔

于姑故不曰薨不稱夫人故不言葬夫人葬禮有三薨則赴于同盟之國

一也既葬日中自墓反虞于正寢所謂反哭于寢二也

卒哭祔于祖姑三也若此則書曰夫人某氏薨葬我小

君某氏此備禮之文不書姓為公故曰君氏不書姓辟

也否則為不成喪隱公五年春公將如棠觀魚者臧僖

伯諫曰凡物不足以講大事其材不足以備器用則君

不舉焉君將納民于軌物者也故講事以度軌量謂之

軌取材以章物采謂之物不軌不物謂之亂政亂政亟

行所以敗也。故春蒐夏苗秋獮冬狩。皆于農隙以講事。

也。三年而治兵。入而振旅。歸而飲至。以數軍實。車徒器械及所

獲禽昭文章明貴賤。辨等列順少長。習威儀也。鳥獸之

肉不登于俎。皮革齒牙骨角毛羽不登于器。則公不射。

古之制也。若夫山林川澤之實。器用之資。阜隸之事。官

司之守。非君所及也。公曰。吾將略也。巡行地焉。遂往。陳魚

陳捕魚之具而觀之。僖伯稱疾不從。書曰。公矢魚于棠。非禮

也。且言遠地也。

公羊子曰。何以書譏。何譏。爾遠也。公曷為遠而觀魚。

二月考仲子
之宮初獻六
羽

登得作來之也。百金之魚。公張之。登來之者何。美大之。

之辭也。棠者何。濟上之邑也。

九月考

成也

仲子之宮。將萬焉。公問羽數于眾。仲對曰。天

子用八。諸侯用六。大夫四。士二。夫舞所以節八音而行

八風。故自八以下。公從之。于是初獻六羽。始用六佾也。

公羊子曰。初者何。始也。六羽者何。舞也。初獻六羽何。

以書。譏何。譏爾。譏始。僭諸公也。六羽之爲僭。奈何。天

子八佾。諸公六。諸侯四。諸公者何。諸侯者何。天子三

公。稱公王者之後。稱公其餘大國。稱侯小國。稱伯子

八年三月鄭伯使宛來歸
觴庚寅我入
觴

男天子三公者何天子之相也天子之相則何以三
自陝而東者周公主之自陝而西者召公主之一相
處乎內始僭諸公助于此乎前此矣前此則曷爲始
乎此僭諸公猶可言也僭天子不可言也

冬十二月辛巳臧僖伯卒公曰叔父有憾于寡人

諫觀魚

寡人弗敢忘葬之加一等

隱公八年

鄭伯請釋泰山之祀

而祀周公以泰山之觴易許田三月鄭伯使宛來歸觴

不祀泰山也

成王賜周公許田爲朝宿之邑因立周公廟觴鄭人從祀泰山之湯沐邑觴近魯許

近鄭以觴易許各從所近地也

冬無駭卒羽父請諡與族公問族

氏也

子衆仲衆仲對曰天子建德立有德因生以賜姓如舜

為嫡姓肸之土而命之氏報之以土地以所封地為諸族氏如胡公封陳曰陳氏諸

侯以字諸侯位卑不得賜姓故為諡因以為族或即先其臣州氏其王父氏

稱以官有世功則有官族邑亦如之取其舊官舊邑之稱以為族如晉之

士氏中行氏或以所封公命以字為展氏諸侯之子稱之邑如趙氏韓氏魏氏

子稱公孫公子之子以王父字為氏無駭公子展之孫故曰展氏九年春王三月癸

酉大雨霖以震書始也庚辰大雨雪亦如之書失時也

凡雨自三日以往為霖平地尺為大雪夏城郎書不

時也隱公十一年春滕侯薛侯來朝爭長薛侯曰我先封

左天條卷二五

冬十有一月
壬辰公薨

薛祖奚仲
夏所封

滕侯曰我周之卜正也薛庶姓也我不可以

後之公使羽父請于薛侯曰君與滕君辱在寡人周諺

有之曰山有木工則度之賓有禮主則擇之周之宗盟

異姓爲後寡人若朝于薛不敢與諸任齒任薛姓君若辱

貺寡人則願以滕君爲請薛侯許之乃長滕侯羽父

公子翬請殺桓公將以求大宰公曰爲其少桓公年幼故也

吾將授之矣使營菟裘地名吾將老焉羽父懼反譖公于

桓公而請弑之公之爲公子也與鄭人戰于狐壤止焉

鄭人囚諸尹氏鄭大夫賂尹氏而禱于其主鍾巫遂與尹

魯桓公

元年春王正

月公即位

氏歸而立其主十一月公祭鍾巫齊于社園館于窋氏

魯大夫

壬辰羽父使賊弑公于窋氏立桓公而討窋氏有

死者不書葬不成喪也

桓公元年

春公即位修好于鄭鄭

人請復祀周公卒易祔田公許之三月鄭伯以璧假許

田爲周公祔故也

魯不宜聽鄭祀周公又不宜易取祔田故隱其言不言祔稱璧假也

穀梁子曰桓無王其曰王何也謹始也其曰無王何

也桓弟弑兄臣弑君天子不能定諸侯不能救百姓

不能去以爲無王之道遂可以至焉爾元年有王所

以治桓也

假不言以言以非假也非假而曰假諱

易地也。禮天子在上，諸侯不得以地相與也。無田則
無許可知矣。不言許，不與許也。許田者，魯朝宿之邑
也。祊者，鄭伯之所受命而祭泰山之邑也。用見魯之
不朝于周而鄭之不祭泰山也。

桓公二年夏四月，取郕大鼎于宋。戊申，納于大廟。非禮也。宋

弑其君與夷，公始欲平。臧哀伯伯，魯伯。諫曰：君人者，將昭

宋亂終于受賂，故書。德塞違，以臨照百官，猶懼或失之，故昭令德以示子孫。

是以清廟茅屋，大輅越席，犬羹不致，粢食不鑿，昭其儉

也。衮冕黻珽，帶裳幅舄，衡紃紃紃，昭其度也。藻率鞞

音也。衮冕黻珽，帶裳幅舄，衡紃紃紃，昭其度也。藻率鞞

鞀。鞀。屬。游。纓。昭。其。數。也。火。龍。黼。黻。昭。其。文。也。五。色。比。象。
昭。其。物。也。錫。鸞。和。鈴。昭。其。聲。也。三。辰。旂。旗。昭。其。明。也。夫。
德。儉。而。有。度。登。降。有。數。文。物。以。紀。之。聲。明。以。發。之。以。臨。
照。百。官。百。官。于。是。乎。戒。懼。而。不。敢。易。紀。律。今。滅。德。立。違。
而。置。其。賂。器。于。大。廟。以。明。示。百。官。百。官。象。之。其。又。何。誅。
焉。國。家。之。敗。由。官。邪。也。官。之。失。德。寵。賂。章。也。郤。鼎。在。廟。
章。孰。甚。焉。武。王。克。商。遷。九。鼎。于。維。維。邑。義。士。猶。或。非。之。而。
況。將。昭。違。亂。之。賂。器。于。大。廟。其。若。之。何。公。不。聽。周。內。史。
聞。之。曰。臧。孫。達。卽。哀。伯。其。有。後。于。魯。乎。君。違。不。忘。諫。之。以。

三年秋七月
壬辰朔日有
食之既

六年秋大閱
簡車馬也

左傳卷二

德。桓公三年公子翬如齊逆女。修先君之好。故曰公子齊。

侯送姜氏。非禮也。凡公女嫁于敵國。姊妹則上卿送之。

以禮于先君。公子則下卿送之。于大國。雖公子亦上卿。

送之。于天子則諸卿皆行。公不自送。于小國則上大夫。

送之。冬齊仲年來聘。致夫人也。桓公五年秋大雩。天子

帝徧及于山。書不時也。凡祀啓蟄而郊。龍見而雩。始殺

而嘗。閉蟄而烝。過則書。桓公六年九月丁卯子同生。以犬

子生之禮舉之。接以犬牢。卜士負之。士妻食之。公與文

姜宗婦命之。公問名于申繻。對曰。名有五。有信。有義。有

象有假有類以名生為信若唐叔虞魯公子友以德命為義若文

昌武王以類命為象若孔子首象尾丘取于物為假若伯魚生有龍魚者

四名取于父為類若子同生有與父同者不以國不以官不以山

川不以隱疾不以畜牲不以器幣周人以諱事神名終

將諱之故以國則廢名以官則廢職以山川則廢主以

畜牲則廢祀以器幣則廢禮晉以僖侯廢司徒僖名司徒廢為

中宋以武公廢司空武名司空先君獻武廢二山獻名其武

名敖因易具是以大物不可以命公曰是其生也與吾

同物命之曰同謂同物類也

二卷

十有四年春
正月無冰

桓公十
四年

夏五鄭伯使其弟語來盟

公羊子曰子同生者孰謂謂莊公也何言乎子同生
喜有正也未有言喜有正者此其言喜有正何久無
正也子公羊子曰其諸以病桓與

穀梁子曰諸侯之尊弟兄不得以屬通其弟云者以
其來我舉其貴者也來盟前定也不日前定之盟不
曰孔子曰聽遠音者聞其疾而不聞其舒望遠者察
其貌而不察其形立乎定哀以指隱桓隱桓之日遠
矣夏五傳疑也

秋八月壬申御廩災乙亥嘗書不害也

公羊子曰常事不書此何以書譏何譏爾譏嘗也曰猶嘗乎御廩災不如勿嘗而已矣

穀梁子曰御廩之災不志此其志何也以爲唯未易災之餘而嘗也志不敬也天子親耕以共粢盛王后親蠶以共祭服國非無良農工女也以爲人之所盡事其祖禰不若以已所自親者也何用見其未易災之餘而嘗也曰甸粟而內之三宮三宮米而藏之御廩夫嘗必有兼甸之事焉壬申御廩災乙亥嘗以爲

水易災之餘而嘗也。

桓公十五年

天王使冢父來求車，非禮也。諸侯不貢車服。天

子不私求財。

桓公十七年

夏，及齊師戰于奚。

此齊魯交兵之始，齊魯之

兵始于奚，終于艾陵。

疆事也。

爭疆界

于是齊人侵魯，疆疆吏來告。公

曰：「疆場之事，慎守其一而備其不虞，姑盡所備焉。」事至

而戰，又何謁焉？冬十月朔，日有食之，不書。日官失之，

也。天子有日官，諸侯有日御，日官居卿，以底日禮也。日

御不失日，以授百官于朝。

桓公十八年

春，公將有行，遂與

姜氏如齊。申繻曰：「女有家，男有室，無相瀆也。謂之有禮。」

魯莊公
元年春王正月

易此必敗公會齊侯于濼遂及文姜如齊齊侯通焉公
謫之以告夏四月丙子享公使公子彭生乘公升公之車
薨于車魯人告于齊曰寡君畏君之威不敢寧居來修
舊好禮成而不反無所歸咎惡于諸侯請以彭生除之
齊人殺彭生莊公元年春不稱即位文姜出故也三月
夫人孫于齊不稱姜氏絕不為親禮也夫人行不以禮故還皆不書自
後書夫人會齊侯于禚享齊侯于祝丘又
曰如齊師又會于防于穀皆所以書姦
王姬秋築王姬之館于外為外禮也

公羊子曰單伯者何吾大夫之命乎天子者也何以

不稱使。天子召而使之也。逆之者何。使我主之也。曷爲使我主之。天子嫁女乎諸侯。必使諸侯同姓者主之。諸侯嫁女于大夫。必使大夫同姓者主之。

穀梁子曰。單伯者何。吾大夫之命乎天子者也。命大夫故不名也。其不言如何也。其義不可受于京師也。其義不可受于京師何也。曰。躬君弑于齊。使之主婚。姻與齊爲禮。其義固不可受也。築禮也。于外非禮也。築之爲禮何也。主王姬者必自宮門出。于廟則已尊。于寢則已卑。爲之築節矣。築之外變之正也。築之

七年夏四月
辛卯夜恒星
不見夜中星
隕如雨

外變之爲正何也。仇讎之人非所以接婚姻也。衰麻非所以接弁冕也。其不言齊侯之來逆何也。不使齊侯得與吾爲禮也。

莊公八年春治兵于廟禮也。夏師及齊侯圍郕。郕降于齊師。

仲慶父請伐齊師。公曰不可。我實不德。齊師何罪。罪我之由。夏書曰。臯陶邁種德。德乃降。姑務修德。以待時乎。秋師還。君子是以善魯莊公。

穀梁子曰。出曰治兵。習戰也。入曰振旅。習戰也。治兵而陳。蔡不至矣。兵事以嚴終。故曰善陳者不戰。此之

謂也。善爲國者不師。善師者不陳。善陳者不戰。善戰者不死。善死者不亡。

莊公十年

齊師伐我。公將戰。曹劌請見。其鄉人曰。肉食者

者謀之。又何問焉。

也

劌曰。肉食者鄙。未能遠謀。乃入見。

問何以戰。公曰。衣食所安。弗敢專也。必以分人。對曰。小惠未徧。民弗從也。公曰。犧牲玉帛。弗敢加也。必以信。對曰。小信未孚。神弗福也。公曰。小大之獄。雖不能察。必以情。對曰。忠之屬也。可以一戰。戰則請從。公與之乘。戰于長勺。公將鼓之。劌曰。未可。齊人三鼓。劌曰。可矣。齊師敗。

績公將馳之。劇曰：未可。下視其轍，登軾而望之，曰：可矣。遂逐齊師。既克，公問其故。對曰：夫戰，勇氣也。一鼓作氣，再而衰，三而竭。彼竭我盈，故克之。夫大國難測也，懼有伏焉。吾視其轍亂，望其旗靡，故逐之。

莊公十一年 宋為乘

丘之役故

十年魯敗宋于乘丘

侵我公禦之。宋師未陳而薄之，敗

諸鄆。凡師，敵未陳，曰敗某師。皆陳曰戰。大崩曰敗績。得雋曰克。覆而敗之曰取某師。京師敗曰王師敗績于某。秋，宋大水。公使弔焉，曰：天作淫雨，害于粢盛，若之何？不弔。對曰：孤實不敬，天降之災。又以為君憂拜命之辱。

臧文仲曰。宋其興乎。禹湯罪已。其興也勃焉。桀紂罪人。其亡也忽焉。且列國有凶。稱孤禮也。言懼而名禮。其庶乎。既而問之曰。公子御說。莊公之辭也。臧孫達曰。是宜爲君。有恤民之心。莊公十年冬。盟于柯。始及齊平也。

公羊子曰。何以不日。易也。其易奈何。桓之盟不日。其會不致。信之也。其不日。何以始乎。此莊公將會于桓。曹子進曰。君之意何如。莊公曰。寡人之生。則不若死矣。曹子曰。然則君請當其君。臣請當其臣。莊公曰。諾。于是會于桓。莊公升壇。曹子手劍而從之。管子進曰。

十有九年秋
公子結勝陳
公子歸于鄆
公及齊侯宋
公盟

君何求乎。曹子曰：城壞壓境，君不圖與。管子曰：然則君將何求？曹子曰：願請汶陽之田。管子願曰：君許諾。桓公曰：諾。曹子請盟。桓公下與之盟。已盟，曹子標劍而去之。要盟可犯，而桓公不欺；曹子可讎，而桓公不怒。桓公之信著乎天下，自柯之盟始焉。

公羊子曰：勝者何？諸侯娶一國，則二國往媵之，以姪娣從。姪者何？兄之子也。娣者何？弟也。諸侯一聘九女，諸侯不再娶。媵不書，此何以書？為其有遂事書。大夫無遂事，此其言遂何？聘禮大夫受命不受辭，出竟有

二十有三年
秋丹桓宮楹

二十有四年
春王三月刻
桓宮楹

可以安社稷利國家者則專之可也

三

莊公二十三年公如齊觀社非禮也曹劌諫曰不可夫禮所以

整民也故會以訓上下之則制財用之節朝以正班爵

之義帥長幼之序征伐以討其不然諸侯有王王有巡

守以大習之非是君不舉矣君舉必書書而不法後嗣

何觀

莊公二十三年

春刻其楹皆非禮也御孫諫曰臣聞之

儉德之共也侈惡之大也先君有共德而君納諸大惡

無乃不可乎秋哀姜至公使宗婦覲用幣非禮也御

孫曰男貲大者玉帛小者禽鳥以章物也女貲不過榛

二十八年
大雩未

栗。栗脩以告。虔也。今男女同贊。是無別也。男女之別。國之大節也。而由夫人亂之。無乃不可乎。

莊公二十五年夏六

月辛未朔。日有食之。鼓用牲于社。非常也。唯正月正陽月

之朔。

陰氣

未作。日有食之。于是乎用幣于社。伐鼓于朝。

秋大水。鼓用牲于社。于門亦非常。

失常禮

也。凡天灾有

幣無牲。非日月之眚。不鼓。冬杞伯姬來歸寧也。凡諸

侯之女歸寧。曰來。出曰來歸。夫人歸寧。曰如某。出曰歸

于某。

穀梁子曰。國無三年之畜。曰國非其國也。一年不升。

告糴諸侯告請也。糴糴也不正。故舉臧孫辰以爲私
行也。國無九年之畜曰不足。無六年之畜曰急。無三
年之畜曰國非其國也。諸侯無粟。諸侯相歸粟。正也。
臧孫辰告糴于齊。告然後與之言。內之無外交也。古
者稅什一。豐年補敗。不外求而上下皆足也。雖累凶
年。民弗病也。一年不艾而百姓飢。君子非之。不言如
爲內諱也。

莊公二十九年
春新作延廐書不時也。凡馬日中而出日中而
入。春秋分也。

三十有二年
秋七月癸巳
公子牙卒

穀梁子曰。延廐者。法廐也。其言新有故也。有故則何
爲書也。古之君人者。必時視民之所勤。民勤于力。則
功築罕。民勤于財。則貢賦少。民勤于食。則百事廢矣。
冬。築微春。新延廐。以其用民力爲已悉矣。

冬十二月。城諸及防。書時也。凡土功。龍見九月而畢。務戒

事也。火七月見而致用水。昏正十月而裁日。至冬而畢。公莊

三十初。公築臺。臨黨氏。見孟任黨氏從之。闕不從而以

夫人言許之。割臂盟。公生子般焉。雩講于梁氏女。公子

觀之。子般。圉人犖自牆外與之戲。子般怒。使鞭之。公曰。

不如殺之是不可鞭。雖有力焉能投蓋于稷門。公疾間。

後于叔牙。對曰：「慶父材。」

叔牙同母兄

問于季友。

莊公母弟

對曰：「臣

以死奉般。公曰：「鄉者牙曰：『慶父材。』成季友。」

即季友

使以君命

命僖叔。

即叔牙

待。鍼巫氏使鍼季酖之曰：「飲此則有後

于魯國。不然死且無後。」飲之歸。及達泉而卒。立叔孫氏。

八月癸亥，公薨于路寢。子般即位。次于黨氏。冬十月

己未，共仲使圉人

人

賊子般于黨氏。成季奔陳。立閔公。

莊公

庶子年

始八歲

公羊子曰：「何以不稱弟殺也？殺則曷爲不言刺爲季？」

子諱殺也。曷爲爲季子諱殺。季子之遇惡也。不以爲國獄緣。季子之心而爲之諱。季子之遇惡奈何。莊公病將死。以病召季子。季子至而授之以國政。曰。寡人卽不起。此病吾將焉致乎魯國。季子曰。般也存。君何憂焉。公曰。庸得若是乎。牙謂我曰。魯一生一及。君已知之矣。慶父也存。季子曰。夫何敢。是將爲亂乎。夫何敢。俄而牙弑。械成。季子和藥而飲之。曰。公子從吾言而飲此。則必可以無爲天下僂笑。必有後乎魯國。不從吾言而不飲此。則必爲天下僂笑。必無後乎魯國。

于是從其言而飲之。飲之無僇氏。至平王堤而死。公子牙今將爾。辭曷爲與親弑者同。君親無將。將而誅焉。然則善之與曰。然殺世子母弟。直稱君者。甚之也。季子殺母兄。何善爾。誅不得辟兄君臣之義也。然則曷爲不直誅而酖之。行誅乎。兄隱而逃之。使託若以疾死。然親親之道也。

閔公

閔公
元年 公及齊侯盟于落姑。請以季友也。齊侯許之。使召諸陳。公次于郎。以待之。季子來歸。嘉之也。齊仲孫湫來省難。書曰。仲孫亦嘉之也。仲孫歸曰。不去慶父。魯難

未已。公曰：若之何而去之？對曰：難不已。將自斃。君其待之。公曰：魯可取乎？對曰：不可。猶秉周禮。周禮所以本也。臣聞之：國將亡，本必先顛，而後枝葉從之。魯不棄周禮，未可動也。君其務寧魯，難而親之，親有禮，因重固，間攜貳，覆昏亂，霸王之器也。

公羊子曰：齊仲孫者，何？公子慶父也。公子慶父則曷爲謂之齊仲孫繫之齊也？曷爲繫之齊外之也？曷爲外之？春秋爲尊者諱，爲親者諱，爲賢者諱。子女子曰：以春秋爲春秋，齊無仲孫，其諸吾仲孫與。

二年秋八月
辛丑公薨
九月夫人姜
氏孫于邾

初公傳奪卜、躋田公不禁、秋八月辛丑、共仲即慶仲使卜

躋賊公于武闕、成季以僖公閔公庶兄適邾、共仲奔莒、乃入

立之以賂求共仲于莒、莒人歸之、及密、使公子魚奚斯請

不許哭而往、共仲曰、奚斯之聲也、乃縊、閔公哀姜之娣

叔姜之子也、故齊人立之、共仲通于哀姜、哀姜欲立之、

閔公之死也、哀姜與知之、故孫于邾、齊人取而殺之于

夷、以其尸歸、僖公請而葬之、成季之將生也、桓公使

卜楚丘之父卜之、曰、男也、其名曰友、在公之右、間于兩

社、周社為公室輔、季氏亡、則魯不昌、又筮之、遇大有之

社、亳社

冬齊高子來
盟

乾曰同復于父敬如君所及生有文在其手曰友遂以命之

公羊子曰高子者何齊大夫也何以不稱使我無君也然則何以不名喜之也何喜爾正我也其正我奈何莊公死子般弑閔公弑比三君死曠年無君設以齊取魯曾不興師徒以言而已矣桓公使高子將南陽之甲立僖公而城魯或曰自鹿門至于爭門者是也或曰自爭門至于吏門者是也魯人至今以爲美談曰猶望高子也

僖公春不稱卽位公出故也公出復入不書諱之也諱
元年春不稱卽位公出故也公出復入不書諱之也諱
國惡禮也冬莒人來求賂公子友敗諸郕獲莒子之
弟挈非卿也嘉獲之也公賜季友汶陽之田及費
穀梁子曰莒無大夫其曰莒挈何也以吾獲之目之
也內不言獲此其言獲何也惡公子之給給者奈何
公子友謂莒挈曰吾二人不相說士卒何罪屏左右
而相搏公子友處下左右曰孟勞孟勞者魯之寶刀
也公子友以殺之然則何以惡乎給也曰棄師之道
也

秋七月禘于
太廟用致大
人

夫人氏之喪至自齊。君子以齊人之殺哀姜也。爲已甚矣。女子從人者也。女子有三從之義。在夫家。傳公五年春。有罪。非父母家所宜討也。王正月辛亥朔日南至。公既視朔。遂登觀臺以望。而書禮也。凡分至啓閉。必書雲物爲備。故也。傳公八年秋禘而致哀姜焉。非禮也。致者致新死之主于廟而列之昭穆。凡夫人不薨于寢。不殯于廟。不赴于同。不祔于姑。則弗致也。穀梁子曰。用者不宜用者也。致者不宜致者也。言夫人必以其氏姓言夫人。而不以氏姓。非夫人也。立妾之辭也。非正也。夫人之我可以不夫人之乎。夫人卒。

十有五年九月
己卯晦震
夷伯

葬之。我可以不卒葬之乎。一則以宗廟臨之而後貶焉。一則以外之弗夫人而見正焉。

震夷伯之廟。罪之也。于是展氏有隱慝焉。

夷伯魯大夫展氏之祖

穀梁子曰。晦。冥也。震。雷也。夷伯。魯大夫也。因此以見天子至于士皆有廟。天子七廟。諸侯五大夫三。士二。故德厚者流光。德薄者流卑。是以貴始德之本也。始封必為祖。

僖公二十一年夏。大旱。公欲焚巫尫。臧文仲曰。非旱備也。修城郭。貶食。省用。務穡。勸分。此其務也。巫尫何為。天欲殺之。

財如勿生。若能為旱焚之。滋甚。公從之。是茂也。飢而不

害。

傳公二十二年

春伐邾。取須句。反其君焉。禮也。

先是邾須句夏

邾人以須句故。出師公卑邾。不設備而禦之。臧文仲曰。

國無小不可易也。無備雖眾不可恃也。詩曰。戰戰兢兢。

如臨深淵。如履薄冰。又曰。敬之敬之。天惟顯思。命不易。

哉。先王之明德。猶無不難也。無不懼也。况我小國乎。君

其無謂邾小。蠶蠶有毒。而况國乎。弗聽。八月丁未。公及

邾師戰于升陘。我師敗績。邾人獲公胄。縣諸魚門。

傳公

二十六年。齊孝公伐我北鄙。公使展喜犒師。使受命于展禽。

齊孝公伐我北鄙。公使展喜犒師。使受命于展禽。

齊侯未入竟，展喜從之，曰：「寡君聞君親舉玉趾，將辱于敝邑，使下臣犒執事。」齊侯曰：「魯人恐乎？」對曰：「小人恐矣，君子則否。」齊侯曰：「室如縣罄，野無青草，何恃而不恐？」對曰：「恃先王之命。昔周公大父股肱周室，夾輔成王，成王勞之而賜之盟，曰：『世世子孫無相害也。』載在盟府，大師職之。桓公是以糾合諸侯而謀其不協，彌縫其闕而匡救其災，昭舊職也。及君即位，諸侯之望曰：『其率桓之功。』我敝邑用不敢保聚。曰：『豈其嗣世九年而棄命廢職？』其若先君何？君必不然，恃此以不恐。」齊侯乃還。

僖公二十九年

介葛盧來以未見公故復來朝禮之加燕好介葛盧聞
牛鳴曰是生三犧皆用之矣其音云問之而信常公三十
年一夏四月四卜郊不從乃免牲非禮也猶三望亦非禮
也禮不卜常祀而卜其牲日牛卜日日牲牲成而卜郊
上怠慢也望郊之細也不郊亦無望可也
公羊子曰曷爲或言三卜或言四卜三卜禮也四卜
非禮也三卜何以禮四卜何以非禮求吉之道三禘
嘗不卜郊何以卜卜郊非禮也卜郊何以非禮魯郊
非禮也魯郊何以非禮天子祭天諸侯祭土天子有

方望之事無所不通。諸侯山川有不在其封內者則不祭也。曷爲或言免牲或言免牛免牲禮也免牛非禮也。免牛何以非禮傷者曰牛三望者何望祭也。然則曷祭祭泰山河海曷爲祭泰山河海山川有能潤于百里者天子秩而祭之。觸石而出膚寸而合不崇朝而徧雨乎天下者唯泰由爾河海潤于千里猶者何通可以已也何以書譏不郊而望祭也。

魯文公

元年春王使內史叔服來會。非公孫敖聞其能相人也。

見其子二焉。叔服曰穀文也食子難惠也也。收子穀也。豐

下必有後于魯國。

于是閏三月非禮也。先王之

正時也。履端于始。

步曆之始。

舉正于中。

舉中氣以正月。

歸餘于終。

置閏。

履端于始。序則不愆。舉正于中。民則不惑。歸餘于終。事

則不悖。

文公二年秋。

八月丁卯。大事于大廟。躋僖公。逆祀

也。于是夏父弗忌爲宗伯。尊僖公。且明見曰。吾見新鬼

大故。鬼小先大後小。順也。躋聖賢明也。明順禮也。君子

以爲失禮。禮無不順。祀國之大事也。而逆之。可謂禮乎。

子雖齊聖。不先父食久矣。故禹不先鯀。湯不先契。文王

不先不窋。宋祖帝乙。鄭祖厲王。猶上祖也。是以魯頌曰。

春秋匪解。享祀不忒。皇皇后帝。皇祖后稷。君子曰。禮謂其。后稷親而先帝也。詩曰。問我諸姑。遂及伯姊。君子曰。禮謂其親姊而先姑也。仲尼曰。臧文仲其不仁者三。不知者三。下使在展禽廢六關妾織蒲三不仁也作虛器。
山節藻梲縱逆祀公躋僖祀爰居三不知也

公羊子曰。大事者何。大禘也。大禘者何。合祭也。其合祭奈何。毀廟之主陳于太祖。未毀廟之主皆升合食于太祖。五年而再殷祭。躋者何。升也。何言乎升僖公。譏何。譏爾逆祀也。其逆祀奈何。先禰而後祖也。

天子送如齊
納幣

穀梁子曰。大事者何。大是事也。著祫嘗禘祭者。毀廟之主。陳于太祖。未毀廟之主。皆升合祭于太祖。躋升也。先親而後祖也。逆祀也。逆祀則是無昭穆也。無昭穆則是無祖也。無祖則無天也。故曰。文無天。無天者。是無天而行也。君子不以親親害尊尊。此春秋之義也。

公羊子曰。納幣不書。此何以書。譏何譏。爾譏喪娶也。娶在三年之外。則何譏乎喪娶。三年之內。不圖婚。吉禘于莊公。譏然則曷爲不于祭焉。譏三年之恩疾矣。

非虛加之也。以人心爲皆有之。以人心爲皆有之。則曷爲獨于娶焉。譏娶者大吉也。非常吉也。其爲吉者主于已。以爲有人心焉者。則宜于此焉變矣。

文公四年

夏逆婦姜于齊。卿不行。非禮也。君子是以知出姜

文公薨而見出故曰出姜

之不允于魯也。曰貴聘而賤逆之。君而卑

之。立而廢之。棄信而壞其主。在國必亂。在家必亡。不允

宜哉。詩曰。畏天之威。于時保之。敬主之謂也。衛甯武

子來聘。公與之宴。爲賦湛露及彤弓。不辭又不答賦。使

行人私焉。對曰。臣以爲肄業及之也。昔諸侯朝正

朝而受政

教

于王。王宴樂之。于是乎賦湛露。則天子當陽諸侯用。

命也。諸侯敵王所愾。

敵王所怒之人

而獻其功。王于是乎賜之。

彤弓一。彤矢百。旅弓矢千。以覺也。

明也

報宴。今陪臣來繼舊。

好。君辱貺之。其敢干大禮以自取戾。

文公六年

閏月不告。

朔非禮也。閏以正時。時以作事。事以厚生。生民之道。于

是乎在矣。不告閏朔。棄時政也。何以爲民。

文公七年

穆伯

公孫

娶于莒。曰戴已。生文伯。

殺其姊聲已

生惠叔。

難

戴

已卒。又聘于莒。莒人以聲已辭。

言當爲繼室

則爲襄仲聘焉。

公子遂教

冬。徐伐莒。莒人來請盟。穆伯如莒。涖盟。且爲

仲逆及鄢陵登城見之。美自爲娶之。仲請攻之。公將許之。叔仲惠伯叔牙諫曰。臣聞之。兵作于內。爲亂于外。爲寇。寇猶及人。亂自及也。今臣作亂而君不禁。以啓寇讎。若之何。公止之。惠伯成之。使仲舍之。不娶公孫敖反之。還苦復爲兄弟如初。從之。文公九年毛伯衛來求金。不書王命。未葬也。

公羊子曰。毛伯者何。天子之人夫也。何以不稱使。當喪未君也。踰年矣。何以謂之未君。卽位矣。而未稱王也。未稱王。何以知其卽位。以諸侯之踰年卽位。亦知

天子之踰年卽位也。以天子三年然後稱王。亦知諸
侯于其封內三年稱子也。踰年稱公矣。則曷爲于其
封內三年稱子。緣民臣之心。不可一日無君。緣終始
之義。一年不二君。不可踰年無君。緣孝子之心。則三
年不忍當也。毛伯來求金。何以書。譏何譏。爾王者無
求。求金非禮也。然則是王者與曰非也。非王者則曷
爲謂之王者。王者無求曰是子也。繼文王之體。守文
王之法。度文王之法。無求而求。故譏之也。

父公十
一年 鄭瞞 狄名姓漆
防風後 侵齊遂伐我公卜使叔孫得臣

追之吉侯叔夏御莊叔

臣得

縣房甥爲右富父終甥駟乘

冬十月甲午敗狄于鹹獲長狄僑如

鄭肅國之君長三丈

富父終

甥搯其喉以戈殺之埋其首于子駒之門以命宣伯

因名

宣伯曰僑如以旌其功

穀梁子曰不言帥師而言敗何也直敗一人之辭也

一人而曰敗何也以衆焉言之也傳曰長狄也弟兄

三人佚宕中國瓦石不能害叔孫得臣最善射者也射

其目身橫九畝斷其首而載之眉見于軾然則何爲

不言獲也曰古者不重創不禽二毛故不言獲爲內

十三年秋大
室屋壞

諱也。其之齊者，王子成父殺之，則未知其之晉者也。

文公十
二年

秦伯
公康

使西乞術來聘，且言將伐晉。襄仲辭玉。

曰：君不忘先君之好，照臨魯國，鎮撫其社稷，重之以大器，寡君敢辭。玉對曰：不腆敝器，不足辭也。主人三辭，賓答曰：寡君願徼福于周公、魯公，以事君，不腆先君之敝器，使下臣致諸執事，以爲瑞節，要結好命，所以藉寡君之命，結二國之好，是以敢致之。襄仲曰：不有君子，其能國乎？國無陋矣。厚賄之。

穀梁子曰：大室屋壞者，有壞道也。譏不修也。大室猶

世室也。周公曰：太廟。伯禽曰：大室。羣公曰：宮。禮宗廟之事。君親割。夫人親春。敬之至也。為社稷之主而先君之廟壞。極稱之。志不敬也。

文公十四年 穆伯之從已氏也。在七年 魯人立文伯。穆伯之子穀 穆

伯生二子于莒而求復。文伯以為請。襄仲使無朝聽命。

復而不出。三年而盡室以復。適莒。文伯疾而請。請立 曰：

穀之子弱。時孟獻子尚少 請立難也。穀之弟 許之。文伯卒。立惠

叔。穆伯請重賂以求復。惠叔以為請。許之。將來九月卒。

于齊。告喪。請葬。弗許。文公十五年 齊人或為孟氏謀。公孫敖子

慈父為長庶故稱孟氏

曰魯爾親也。飾棺寘諸堂阜。

示無所歸

魯必取

之。從之。下人以告。惠叔猶毀以為請。

放卒惠叔期年猶哀毀而請

立

于朝以待命。許之。取而殯之。齊人送之。書曰：齊人歸公

孫敖之喪為孟氏。且國故也。葬視共仲。

慶父聲已不視

帷

堂而哭。

聲已惠叔母忽敖從莒女故不視其喪以帷蔽堂而哭

襄仲欲勿哭。

怨敖取其

妻惠伯

叔彭生

曰：喪親之終也。雖不能始，善終可也。史佚

有言曰：兄弟致美，救乏，賀善，弔灾，祭敬，喪哀，情雖不同。

毋絕其愛親之道也。子無失道，何怨于人？襄仲說帥兄

弟以哭之。他年，其二子來。

敖在莒所生

孟獻子

殺之于仲孫蔑

愛之。

聞于國或譜之曰將殺子獻子以告季文子二子曰夫

子以愛我聞我以將殺子聞不亦遠于禮乎遠禮不如

死一人門于句瀕一人門于戾丘皆死有寇攻門二子禦之而死

文公十有蛇自泉宮出入于國如先君之數自伯禽至

六年秋八月辛未聲姜薨毀泉臺文公十八年二月丁丑公

薨文公二妃敬嬴生宣公敬嬴嬖而私事襄仲東門

宣公長而屬諸襄仲襄仲欲立之叔仲不可仲見于齊侯

惠而請之齊侯新立而欲親魯許之冬十月仲殺惡

太子及視弟而立宣公書曰子卒諱之也仲以君命召

惠伯

詐以子惡命

其宰公冉務人止之曰入必死叔仲曰死

君命可也公冉務人曰若君命可死非君命何聽弗聽

乃入殺而埋之馬矢之中公冉務人奉其帑以奔蔡既

而復叔仲氏夫人姜氏

魯之母也

歸于齊大歸也將行

哭而過市曰天乎仲爲下道殺適立庶市人皆哭魯人

謂之哀姜

卽出姜

莒紀公生太子僕又生季佗愛季佗

而黜僕且多行無禮于國僕因國人以弑紀公以其寶

玉來奔納諸宣公公命與之邑曰今日必授季文子使

司寇出諸竟曰今日必達公問其故季文子使大史克

對曰。先大夫臧文仲。教行父事君之禮。行父奉以周旋。弗敢失隊。曰。見有禮于其君者。事之如孝子之養父母也。見無禮于其君者。誅之如鷹鷂之逐鳥雀也。先君周公制周禮曰。則以觀德。德以處事。事以度功。功以食民。作誓命曰。毀則爲賊。掩賊爲藏。竊賄爲盜。盜器爲姦。主藏之名。賴姦之用。爲大凶德。有常無赦。在九刑不忘。行父還觀。莒僕莫可則也。孝敬忠信爲吉德。盜賊藏姦爲凶德。夫莒僕則其孝敬則弑君父矣。則其忠信則竊寶玉矣。其人則盜賊也。其器則姦兆也。保而利之。則主藏。

也。以訓則昏民無則焉。不度于善而皆在于凶德。是以
去之。昔高陽氏有才子八人。蒼舒。欒。欒。欒。欒。欒。欒。欒。欒。
庭堅。仲容。叔達。齊聖。廣淵。明允。篤誠。天下之民謂之八
愷。高辛氏有才子八人。伯翳。仲堪。叔獻。季仲。伯虎。仲熊。
叔豹。季狸。忠肅。共懿。宣慈。惠和。天下之民謂之八元。此
十六族也。世濟其美。不隕其名。以至于堯。堯不能舉舜。
臣堯舉八愷。使主后土。以揆百事。莫不時序。地平天成。
舉八元。使布五教于四方。父義。母慈。兄友。弟共。子孝。內
平外成。昔帝鴻氏有不才子。掩義隱賊。好行凶德。醜類

惡物頑嚚不友。是與比周。天下之民謂之渾敦。少皞氏有不才子。毀信廢忠。崇飾惡言。靖譖庸回。服讒蒐慝。以誣盛德。天下之民謂之窮奇。顓頊氏有不才子。不可教訓。不知話言。告之則頑。舍之則鬻。傲狠明德。以亂天常。天下之民謂之檇杌。此三族也。世濟其凶。增其惡名。以至于堯。堯不能去。緡雲氏有不才子。貪于飲食。冒于貨賄。侵欲崇侈。不可盈厭。聚斂積寔。不可紀極。不分孤寡。不恤窮匱。天下之民以比三凶。謂之饔餮。舜臣堯。賓于四門。流四凶族。渾敦窮奇。檇杌饔餮。投諸四裔。以禦魘

魅是以堯崩而天下如一。同心戴舜以爲天子。以其舉十六相去四凶也。故虞書數舜之功曰。慎徽五典。五典克從。無違教也。曰。納于百揆。百揆時序。無廢事也。曰。賓于四門。四門穆穆。無凶人也。舜有大功二十而爲天子。今行父雖未獲一吉人去一凶矣。于舜之功二十之一也。庶幾免于戾乎。

宣公五年春。公如齊。高固使齊侯止公。請叔姬焉。留公強夏成婚公至自齊。書過也。秋九月。齊高固來逆女。自爲也。故書曰。逆叔姬。卿自逆也。冬來反馬也。

宣公十四年冬。公孫歸

父會齊侯于穀。見晏桓子。與之言魯樂。桓子告高宣子。

曰：子家其亡乎？懷于魯矣。子家歸父。字懷思也。懷必貪。貪必謀人。

謀人人亦謀已。一國謀之。何以不亡？宣公十五年。初稅畝。

非禮也。穀出不過藉。以豐財也。冬蠶生。飢幸之也。

公羊子曰：初者何始也？稅畝者何履畝而稅也？初稅

畝。何以書？譏何譏？爾譏始履畝而稅也。何譏乎？始履

畝而稅。古者什一而籍。什一者。天下之中正也。多乎

什一。大桀小桀。寡乎什一。大貉小貉。什一者。天下之

中正也。什一行而頌聲作矣。

歸父還自晉
至萊廷齊

穀梁子曰。初者始也。古者什一。藉而不稅。初稅畝。非
正也。古者三百畝爲里。名曰井田。井田者九百畝。公
田居一。私田稼不善則非吏。公田稼不善則非民。初
稅畝者。非公之去公田而履畝十取一也。以公之與
民爲已悉矣。古者公田爲居。非寵蔥韭盡取焉。

宣公十八年
公孫歸父

襄仲

以襄仲之立公也。有寵欲去三

桓以張公室與公謀而聘于晉。欲以晉人去之。冬公薨。

季文子言于朝曰。使我殺適立庶以失大援者仲也夫。

宣叔

文仲子
武仲父

怒曰。當其時不能治也。後之人何罪。子欲

魯成公
成公元年作
上甲

去之許請去之許宣叔名遂逐東門氏襄子家還及笙

壇帷復命于介既復命袒括髮卽位哭三踊而出遂奔齊書曰歸父還自晉善之也

穀梁子曰作爲也丘爲甲也丘甲國之事也丘作甲非正也丘作甲之爲非正何也古者立國家百官具農工皆有職以事上古者有四民有士民有商民有農民有工民夫甲非人人之所能爲也丘作甲非正也

成公三年冬晉侯使荀庚來聘且尋盟衛侯使孫良夫來聘

七年春正月
月歲辰食
牛角收牛
歲風又食其
角乃免牛
夏五月不郊
猶三望

且尋盟公問諸臧宣叔曰仲行伯之于晉也其位在三
卿下孫子之于衛也位為上卿將誰先對曰次國之上卿
當大國之中中當其下下當其上大夫小國之上卿當
大國之下卿中當其上大夫下當其下大夫上下如是
古之制也衛在晉不得為次國晉為盟主其將先之丙
午盟晉丁未盟衛禮也成公六年季文子以鞏之功立武
宮非禮也聽于人以救其難不可以立武立武由已非
由人也成公八年晉侯使韓穿來言汶陽之田歸之于齊
季文子餞之私焉曰大國制義以為盟主是以諸侯懷

德畏討無有貳心。謂汶陽之田。敝邑之舊也。而用師于齊。使歸諸敝邑。今有二命。曰歸諸齊。信以行義。義以成命。小國所望而懷也。信不可知。義無所立。四方諸侯。其誰不解體。詩曰。文也不爽。士貳其行。士也罔極。二三其德。七年之中。一與一奪。二三孰甚焉。士之二三。猶喪配耦。而況霸主。霸主將德。是以而二三之。其何以長有諸侯乎。詩曰。猶之未遠。是用大簡。行父懼晉之不遠。猶而失諸侯也。是以敢私言之。

成公九年

季文子如宋致女復

命公享之。賦韓奕之五章。穆姜

宣公夫人

出于房。再拜曰。大

夫勤辱不忘先君以及嗣君施及未亡人先君猶有望也敢拜大夫之重勤又賦綠衣之卒章而入成公十一年

聲伯之母叔肝不聘無媒穆姜宣公夫人曰吾不以妾爲娣

昆弟之生申伯而出之嫁于齊管于奚生二子而寡以

歸聲伯聲伯以其外弟管于奚子爲大夫而嫁其外妹于施

孝叔郤欒來聘求婦于聲伯聲伯奪施氏婦以與之婦

人曰鳥獸猶不失儷子將若何曰吾不能死亡婦人遂

行生二子于郤氏郤氏亡晉人歸之施氏施氏逆諸河

沈其二子婦人怒曰已不能庇其伉儷而亡之又不能

春正月雨
木冰

字人之孤而殺之。將何以終。遂誓。絕也。施氏。成公十四年。僑

如以夫人婦姜氏至自齊。舍族。不稱叔孫。尊夫人也。故君子

曰。春秋之稱微而顯。志而晦。婉而成章。盡而不汙。懲惡

而勸善。非聖人誰能修之。成公十四年。宣伯。僑如也。通于穆姜欲去季

孟而取其室。使告卻犢曰。魯之有季孟。猶晉之有欒范也。政

令于是乎成。今其謀曰。晉政多門。不可從也。寧事齊楚。

有亡而已。蔑從晉矣。若欲得志于魯。請止行父。季文子。而

殺之。我斃蔑。孟獻子。也。而事晉。蔑有貳矣。魯不貳。小國必

睦。不然。歸必叛矣。晉人執季文子于荅丘。公還待于

鄆使子叔聲伯請季孫于晉。卻犇曰：「苟去仲孫蔑而止。」季孫行父吾與子國親于公室，對曰：「僑如之情，子必聞之矣。」若去蔑與行父，是大棄魯國而罪寡君也。若猶不棄而惠微周公之福，使寡君得事晉君，則夫二人者，魯國社稷之臣也。若朝亡之，魯必夕亡。以魯之密邇仇讎，指齊亡而爲讎，治之何及？卻犇曰：「吾爲請邑。」對曰：「嬰齊。」聲伯魯之常隸也，敢介大國以求厚焉。承寡君之命以請，若得所請，吾子之賜多矣。又何求？范文子謂欒武子曰：「季孫于魯，相二君宣成矣。妾不衣帛，馬不食粟，可不謂

忠乎信讜。愚而棄忠。良若諸侯。何子叔嬰齊奉君命。無私謀國家。不貳圖其身。不忘其君。若虛其請。是棄善人也。子其圖之。乃許魯平。赦季孫。成公十七年初聲伯公孫嬰齊夢涉洹。或與已瓊。玉瑰也食之。泣而爲瓊。瓊盈其懷。從而歌之曰。濟洹之水。贈我以瓊。瓊歸乎歸乎。瓊瓊盈吾懷乎。懼不敢占也。還自鄭。壬申。至于狸狌。而占之曰。余恐死。故不敢占也。今衆繁而從余。三年矣。無傷也。言之之莫而卒。

穀梁子曰。夏之始。可以承春。以秋之末。承春之始。蓋

不可矣。九月用郊用者不宜用也。宮室不設不可以祭衣服不修不可以祭車馬器械不備不可以祭。有司一人不備其職不可以祭。祭者薦其時也。薦其敬也。薦其美也。非享味也。

左氏條貫卷二

男官賀校字